

BERDAD NUNCA
A PERJUDICA
NINGUN HENDE
NINGUN CAUSA
NI NINGUN
NACION.....



DIARIO

DI ARUBA

Bo Matutino Netamente Arubiano

DIAMARS 23 FEBRUARI 1988

ABONADO PA LUNA 15,00 FLS. * EJEMPLAR 0,60

AÑA 8 No. 2217

PILOTO INTERROGA EN RELACION CU 37 MIL DOLLAR


ORANJESTAD(AAN)—
Ayer atardi personal di
Douane Recherche na
aeropuerto a interroga un
piloto Venezolano cu taba
ta actua masha sospechoso

Den su poder e miem-
bronan di Douane Recher-
che a haya un envelop
conteniendo un suma con-
siderable di Dollar.

Miembronan di Doane
Recherche tabata sospecha
cu por tabata trata di
labamento di placa y a
interroga e piloto encuan-
to esaki.

Despues di interrogacion
a resulta cu e piloto a bin
Aruba pa cobra un mon-
tante di placa cu un otro
persona lo mester a gana
den un casino.

Segun informacion cu



DIARIO a ricibi, durante
fin di siman un homber
tabata na Aruba y tabata
gamble den un casino y a
gana mas di 37 Mil Dollar.
Debi na e hecho cu na e
momento ey e casino no
tabata dispone di e suma
considerable aki y cu e
banconan tabata cera, no
por a duna e persona aki
su placa cu el a gana.

E persona aki a bay
Venezuela y ayera den
horanan di atardi un piloto
a bin busca e placa y a rici-
bi esaki den un envelop.

Despues di interrogacion
e piloto, co piloto y un
muher cu a pidi un lift,
por a bandona Aruba cu e
suma considerable pa e
ganador.

Aruba Financial Center Association:

INTRODUCI LEY DI ZERO TAX COMPANY

ORANJESTAD(AAN)— sector priva un asociacion
Recien a worde forma den cu ta carga e nomber

HUSTICIA MI KIER

Señor Redactor,
permitimi un espacio den nos
matutino pa mi por desaoga
mi disgusto.

Ta asina cu den corantnan
di dia 13 Februari 1988, nos
por a lesa cu señor Huez a pidi
1 aña di prison pa violador.
Awor ta asina cu di 1 aña nan
ta baha 6 luna, es decir cu e ta
bay sinta 6 luna. Esey ta un
castigo pa un abusador di un
mucha di 4 aña?

Awor mi kier puntra magis-
tradonan si nan a pensa cu si e
tanta no a haya e abusador ey

na e momento ey, kico lo ta-
bata e consecuencia. E desgra-
ciado ey lo tabata por a mata e
pover criatura.

Por ehempel compara cu e
caso Murray na Curacao, des-
pues di cu e tanta a kibra rela-
cion cu Murray, el a bay school
busca e subrina abusa di e
pover mucha despues pa nada
bini na cla e ta mata e mucha.

Sñor magistrado e abusador
ey ta merece un castigo. Husti-
cia nos kier mira!!

Tata di e victima

Aruba Financial Center
Association y cu tin como
meta promocion di tur
desaroyo cu por yuda pa
haci un centro financiero
internacional di Aruba.
Segun e secretario di
Aruba Financial Center
Association, tur hende cu
tin di haber cu sector fi-
nanciero internacional ma-
nera banquero, notarianan
abogadonan, accountant,
trust companynan, conse-
hero fiscal ect. por bira
miembro y lo worde acer-
ca pronto.

Sjiem Fat a manifesta cu
e industria di off shore
esta e sector financiero

Sigui lesa pag. 12

Tur cos ta indica cu:

DR. LEO LO TA E FUTURO DIRECTOR DI HOSPITAL

ORANJESTAD(AAN) —
Den curso di antayera
nochi e reunion di Re-
gentenraad di Hospital a
tuma lugar caminda segun
informe ricibi lo a discuti
entre otro nombramento
di Dr. Leo como Direc-
tor general di hospital.

Manera ta conoci, desde
cu Dr. F. Hage a bandona
e puesto aki tabata ser
papia cu lo acerca Dr.
Leo pa ocupa e puesto
aki pero te cu ayera noch
no ta congeci con leu a
yega cu e reunion cu e
unico punto di agenda

nombramento di Dr. Leo.

Un tempo Dr. Leo
tabata trata como docter
di cas na Noord, despues
el a haya un beca pa sigui
specialisa su mes. El a
caba su estudio y a traha
entre otro na Hulanda y
Merca. Dr. Leo segun in-
formacion tabata traha
den un team special pa
transplante di nier. El a ser
ofreci pa bira Profesor na
Hulanda ya cu opera-
cionnan difiel e por a haci,
entre otro di pecho y di

Sigui lesa pag. 12